


臺灣文獻匯刊

■ 陳支平 主編

第四輯

第九冊

◎◎ 九州出版社
廈門大學出版社



臺灣文獻匯刊

第四輯 ◎ 第九冊

東寧草

宋拓耕詩文集（節選）

宛羽堂詩鈔

福雅堂詩鈔（一）

◎九州出版社
◎廈門大學出版社

新學
社
PDG

東寧草


林小眉撰

陳健鷹整理

東寧草

林小眉，名景仁，字健人，小眉其號也，臺灣臺北縣人，英國牛津大學肄業。生平以詩名，與連雅堂等交遊甚密，是連雅堂編輯《臺灣詩薈》的主要作者之一。有《天池草》、《摩達山吟草》、《東寧草》等。

東
寧
草




序

往歲余讀兄所爲天池草自序云作世間閒言語自知爲憂時者之辜人曰異哉兄殆有所爲而發者夫詩豈特閒言語而已耶自小雅怨誹以降迄于今二千餘載功令未之促責也勢利未之勸誘也而貴至公卿窮迨蓬樞甕牖之士我歌且謠作者輩出雖其體製數變而興觀羣怨之義則一焉夫豈皆無所爲而爲哉昔司馬遷推三閭作騷之志謂可與日月爭光而宋史稱信國正氣歌諸篇忠義見之於詞然則三戶亡秦胡元遠竄庸詎知非二子之伏其機而振

其氣乎然則作詩之旨蓋必仁人志士有所不得於家國之際而有其盛衰隆污成毀新故存沒聚散之感憂愁幽思鬱之既久一旦或觸於外而動於中遂藉山川城市月露風雲草木鳥獸以洩其綿渺淒婉沈痛悲涼不能自己之辭故千百世而後讀其詩論其世未有不低徊歎息黯然以嘯泣然以泣甚則投袂而起傍徨乎無以自主且將求其所以爲之之旨於千百世而上焉余故誦屈原文天祥之作而知無用之用詩道之所以難能而可貴者也兄幼而耽詩凡古近載籍旁及歐州諸箸述關於有韻之文者靡

所不瀏覽弱冠南游印度諸邦前年回國足跡遍乎
大江南北舟車風塵間吟詠無日或廢秋初自燕京
歸杜門累月復成東寧草一帙自謂寫性情之旨竊
比於屈文二子余觀兄之於詩亦似未嘗以閒言語
視之也而自序云云抑兄別有託意歟然今者天方
薦瘥世變亟矣兄年始及壯而余則二十有六天下
事未可知作詩以外正有大可爲者在也余今亦且
將贊兄之說而斥詩爲世閒閒言語而望兄之不爲
憂時者之臯人也癸亥古除夕同懷弟希莊謹序

東寧草



渡彼搏桑之水還我海棠之巢嬉處未深記意宛然
瓦觴薪榻夢習魂恬故歡初識涼招寒集自偶尙携
有鹿逢人輒呼以貓或問消息不解若柳癰生有痼
疾大笑愛陸癖鷗邊犢外時復寄嘲唱烏歌纂奚能
免俗咄哉蒼波萬片渺長古其安歸白月一棱訴靈
秋而何極呻吟縱不無端形跡恐已墜障是稷稷胡
爲者邪今栩栩且獨奈何昭陽大淵獻蟬窟自識

東寧草

東寧草

東寧草

林健人 小眉

七月望日渡臺舟中作

朝辭射蛟浦夕發釣龍臺金全誠憊矣玉局賦歸哉
短袂翩飄舉輕槎渤溈開孤懷憑控引驚浸接天廻
朗朗叩舷誦時時掩卷吁水僊致思慕島客弔頭顱
江漢東流迅英靈正氣徂惻然念千載何處問禹臚
例觸陽侯怒頻聞大塊噫身心成酩酊魂夢入艱危
望火鯤鬚近傍崖鷁首遲廿年渾見慣忠信是吾師

雞籠驛

百年滄海隅今日鐵門限鎖鑰完嚴衝轉輸利長堰
蜃市吹雨腥鱸穴激湍悍有海濱艚縮自夷猶軌轍復蜿蜒
阿誰撞家居底物視天產緬彼篳路人眯予登樓
眼

過板橋故宅示五弟履信

故宮才作銅駝詠遺宅旋悲竹馬居仲蔚蓬蒿眞若
此元超磐石感何如洛中興廢關園囿江左烟塵換
里閭惆悵烏衣諸子弟一篇述德願猶虛

景美莊過石崖齋中却贈

吾宗通隱者風致似孤山負戴儼成趣嘯歌肯放閑

自稱陽羨里我憶若邪灣十里范寬畫都收咫尺間
宿昔溪山負及茲想夢消濯纓了行色把瓊得嘉招
愜景易爲暮再期殊恐遙唯將清曠思撚藁入詩瓢

景美盤古廟

簫簫冥密古狼脰蘇級三層日月荒誰識刀勞求食
地一龕咄咄拜前皇

祇餘離黍佐神絃悽愴雲仍石鼎前剩此枯岷一坏
土悠悠帝力五千年

題五弟履信所作中華社會學論

阿連能作賦此喜我爭禁足矣張儀舌孩之季耳心

揣摩一錐苦意念獨居深起共神州望人天正病瘡

贈連劍花

脆腴哆囁貌弗能被華禮裸程袒裼兒弗能服章縫
或謂墮偏氣稟之戾永鍾謬意頗不爾萬品只待鎔
揉木屈轂輻融鐵直縫緝負子螟似羸赭尾鯉化龍
大冶特良匠洪鑪在此胸高登而疾呼聲應宜類從
辛苦徒癰疽毅哉薛伯宗

禹彞三雅集質諸同好并寄鷺門菽莊社侶七十

韻

孤行多所捐閒身期寡負唱我爾汝歌結君沮溺耦

蕭辰枉光塵暢思萌荒藪雀門少駐輪蝸廬僅盈畝
剝啄亟候局睇盼聳憑牖巾綦快把臂于喁喜得偶
笑自拂痺藤呼童排纖垢熱鼎垂荻簾展几安葦白
醯或乞於隣酒時謀諸婦薄醪辦半盂兼味列三韭
桎梏屏達士公簪帶贅叟阿季植科頭老兄肱指口
偃仰寬載舒醺酣狂而狂蘭臭貞弗渝水淡情永阜
興發爭奪席耳熱更拊缶秦七工倚聲鄭五解歇後
釣門悄撚髭急就忙叉手悱惻本四始典瞻搜二酉
穠麗搓酥粉班駁陳彝卣險語瞎馬騎梵鋒獅子吼
句偏風雨驚辭放雷霆走元箸銷冰的清屑寄冥眴

寸毫兩儀雕片楮萬類剖作繭成同功游及入無厚
邇起湫龍吟遠應桐鯉叩大獲振鯨鼉雛啾息鸛鵒
千古筆數枝天下才幾斗承蓋藉匪遑刻燭庶毋狙
逐臣疲津梁詩囚困械忸形影惟互答心肝苦獨嘔
寧謂橘蓬間獲斯麋鹿友積疴竟霍豁頽緒一抖擻
憂觀君子降皎愛倭人憫悅已易爲客嗟余遂忘醜
顰蹙效西施抹塗嗤嫫母燕石出革櫃重金奉敝帚
勉罄辱顧歡罔覺遇陰久江霞歛軒軒谷飈蕩瀏瀏
不見月棲檐忽訝星在留推襟鳴午雞散袂曉誼舅
感茲畢綢繆念世彌迴糾率土沸蜩蟬極態幻雲狗